



ᐅᑕᑎᐅᑕ ᐅᑕᑎᐅᑕ ᐅᑕᑎᐅᑕ ᐅᑕᑎᐅᑕ
Building *Nunavut* Together
Nunavut Iluqatigiingniq
Bâtir le *Nunavut* ensemble

Titirarhimayuq

Hivuliuqti Premier Taptuna qiuyuq hapkunuuna Kanatam kavamangit maniit

Qiqaiyaqvia 23, 2016
Iqaluit, NU

“Quviahuqtunga Kanatam kavamangit pinahualiqmata ikayuutighainik Ukiuqtaqtumi uvalu nunaqaqqaqhimayunik nunalaanin, havaqatigiiktunut takuyumayaptingnut hakugiktumik, inuuhiringnaqtumiklu uvalu ilingaituq Nunavun.

Ayukhautigivaktainik Nunavunmi uvalu Kanatam ukiuqtaqtumi nunalaan alangayut. Ihuaqhaibluni ihumaaluutunik hapkuatut iglutigut, havakhanut, aaniaqtailinikut ihumailiqinikkut havagviata, nunallaani aaniqtailininngit paliihimaliqinikkutlu, nutaqqanik ikayuqtiuyunut, ilihagikunik ihumaalungnaqtut inuuhiptingni.

Kanatam kavamangat maniliqtuiyut havakhautinun pitjutikhautikhanun Nunavunmi naunaigiiktut maniliurutikhanut ikayuutikhaq. Quviahuktugutlu tautuqapta kavamatkut akhuuqtut hivumuuqtihimaaquyut atugaghanik haavakhautinut pitjutikhannut, piyauhimayuqlu \$25.3 miliataala hamanga Mikiyut nunalaat akikhainnut talimanik hulilukaaqhutik ulapkinikut ulapkivikhainik havaghat Nunavunmi, piplugit pitquhiliqinikkullu hamani Kinngaini, ihuaqhautighaanik Iqaluktuutiami Ulpakiviani uvalu Iqalungni Naluuyuqvighaa.

Quyagiyakut angikliyuumiyyuq maniliqtuiniq iglunun hapkunuuna maniliuqnikut Akikittut Igluliqiyiit. Ihuaqhiyuumiqhugu piyangniq iglunik inungnun akhuuqnaqtuq, ilauyuq hivuliyukhani.

Kavamat Nunavunmi quviahuktutlu Ukiurtaqtumi Nunaliuyut Ahivaiviunit angikliyuumiqtuq. Una tuniniaqtuq ilalugit taxin qaunaqhiyangniaqtuq Nunavunmiunun.

Nutaaq Kanatami Nutaqqakkut Ikayuutikhanik ihuaqhiyuumiqniaqtuq inuuhitnun maniliuluangit Nunavunmi amigaitunik ilalgit.

Nigiuktunga munagilugu angikliyuumiqtuq manik hapkununga Niqiqattiarig Ukiurtaqtumi uvalu qaritauyakkuurutikhanut Qagitauyat inuqqukittunun unghiktununlu, nigjugutaa ihuaqtumik inuit Nunavunmi.

